

PAPAKILO [Hawaiian Newspapers Collection](#) Menu ▾Translate  
www.wws.org[Ka Nupepa Kuokoa](#) / [30 July 1909](#) / [E NAMU ANA ANEI KE ALOHA AINA?](#)

Ka Nupepa Kuokoa, Volume XLVI, Number 31, 30 July 1909 — E NAMU ANA ANEI KE ALOHA AINA? [ARTICLE]

[Back](#)**E NAMU ANA ANEI  
KE ALOHA AINA?**

E Mr. Lunahooponopono o ke Kuokoa, Aloha oe: Ua hooihikileleia mai kou mea heluhelu i ka puka ana mai o Ke aloha Aina ma ka Pōaono la 17 o Iulai, me na kolamu namu. He Hawaii ike ole au i ka namu, nolaila, ke ha'i aku nei au ua poho au i kela pule mamuli o ka lilo ana o kela mau kolamu i ka namu.

E ke Kuokoa e! o ia no ko'u mea i mahalo nui ai ia oe, no ka mea, aole i hoao e hookomo i mau kolamu namu iloko o kou kino lahilahi a pela no hoi me Ke Aloha Aina, aka, no kela pule wale no ko'u hikilele, a i keia puka ana mai i ke Aloha Aina ua hoi hou ae oia i kona kulana mua.

Ua ike iho an ma Ke Aloha Aina ame kou mau kolamu e hoi ae ana o

**J. M. Poepoe i Lunahooponopono no Ke Aloha Aina, ke hopohopo nei au e namu ana paha Ke Aloha Aina e like me kana e hoopihia opala nei iloko o ka Nupepa Kuokoa Home Rula. Nolaila, ko'u hoihoi ole i kana nupepa. He apuka kela man hana i na poe Hawaii lawe i kana nupepa.**

Heaha no hoi ka mea hana ole i nupepa okoa no ka namu a i nupepa okoa no hoi ma ka kakou olelo makua hine? Oia no ka'u e mahalo nei ia oe i kon ae ole i ka olelo malihini e komo ma kon mau kolamu heluhelu.

Ke hoike aku nei au i ko'u manao a pela no me kekahi mau hoaloha o'u ina e hoopihia ia ana Ke Aloha Aina me na opala namu a Poepoe e haalele ana makou i ka lawe ana ia nupepa a'u i lawe ai mai kona hoopuka ia ana a hiki i keia wa.

Me ka lana o ka manao e hoike ae ana oe i ko'u manao i ke akea. Ke hooki nei me na mahalo he nui nou e Mr. Lunahooponopono.

Owau no.  
**MEA HELUHELU.**

This article has been automatically clipped from the Ka Nupepa Kuokoa 30 July 1909, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).